

2020


PALOTA MO LE TULAFONO O FUĀLAAU FAASĀINA I NIU SILA

O Fesili Masani

1

O LEĀ LE PALOTA MO LE SAILIA O FINAGALO?

O le palota lea i se fesili ua ma'oti. E masani ona palota IOE poo le LEAI.



2

E FAAPEFEA ONA FAI LE PALOTA MO LE SAILIA O FINAGALO?

E mafai ona iai ni noataga, o lona uiga e tatau ona mulimulita'i ai le mālō i se taunuuga o le sailia o finagalo. O se isi itu, e mafai foi ona leai ni noataga, o lona uiga e lē aafia fua le mālō i le faaiuga o le sailiga finagalo.

3

E FAAPEFEA LA ONA OU PALOTA MO LE SAILIA O FINAGALO?

Afai ua e lesitala e te palota, e mafai la ona e palota mo le sailia o finagalo. E te maua faamatalaga e uiga i le palota mai le meli, ma ē aga'i atu ai e te palota i le aso ua fuafuaina mo palota poo palota e vave faia.



FAAGASOLOGA O LE PALOTA MO LE SAILIA O FINAGALO

I le tausaga 2020, ua paū faatasi le aso o le faigapalota tele, ma le aso o sailiga o finagalo e faaatatau i le faaaogaina o fuālaau faasāina (mo faipule ma vaega faapalemene), o lona uiga e mafai ona e palota ai i mata'upu nei e lua i le taimi e tasi. O le faiga lava lea e tasi o le a palota ai i latou o alalala i fafo atu o Niu Sila, o ē o lea palota tonu i le aso ma ē o le a vave faia a latou palota mai le Aso 3 o Oketopa.

Taga'i ane i le itulau lea www.vote.nz mo nisi faamatalaga e uiga i lou lesitala mo le palota.

PALOTA MO LE TULAFONO O FUĀLAAU FAASĀINA I NIU SILA, 2020

O LEĀ TONU LE FESILI O LOO SAILIA AI FINAGALO?

E te lagolagoina le tulafono mo le faatulafonoina sa'oloto ma le fuafuaina o le faaaogaina o fuālaau faasāina?

E mafai la ona e palota:



O le fesili lenei o loo faavae mai i le tulafono taufaaofi, o lona uiga e mana'omia ai le iloa e le 'au palota o faamatalaga uma e uiga i le tulafono ina ia tonu lana faaiuga.

Mo nisi faamatalaga e uiga i le tulafono taga'i ane i le itulau lenei www.referendums.govt.nz/cannabis/summary.html

NOATIA MA LE LĒ NOATIA

O le tulafono e faatatau i le faaaogaina o fuālaau faasāina e leai sona noataga. O le uiga o lea tulaga e tusa lava pe o le tali IOE le i'uga o le faigapalota, e lē mafai lava ona faatinoina loa i le taimi lea.




E tatau lava ona faatalanoaina ma toe teuteu le tulafono i le Palemene, ma e maua foi le avanoa o tagata e toe momoli atu ai nisi manatu e faatatau i le tulafono.

O Ā NI MEA O LOO AOFIA I LENEI TULAFONO?

O MEA E AOFIA I LE FAATULAFONOINA SAOLOTO MA LE FUAFUAINA O LE FAAAOGAINA O FUĀLAU FAASĀINA:



Mafai lea ona faaaogaina faatulafono sa'oloto i na'onofoaga e pei o falenofo o le tagata lava ia, ma lotoā ua uma ona laiseneina.




E tatau ona 20 tausaga pe sili atu le matua o le tagata e faaaogaina fuālaau faasāina.



Totōina i le lotoifale – ia lē sili a'e i le lua laau a le tagata matua, ia lē sili atu i le 4 laau a le fale e tasi.



14 kalama le mamafa e mafai ona faatau pe umia e se tagata i le taimi e tasi.




Faasoa atu i nisi – e faataga ona faasoa i isi tagata matutua e ova ma le 20 tausaga le soifua e aunoa ma se tupe.

PUIPUIA O LE FAATAUINA O FUĀLAUU

FAASĀINA I NOFOAGA FAAMAKETI



E iai le tapulaa o le faitau aofa'i o fualaau faasāina e maua i maketi a Niu Sila.



O lea iai isi laisene mo le gaosiina, faatauina ma le faatagaina o nofoaga e faaogaga ai fualaau faasāina.




E lē mafai ona faatauina fualaau faasāina i nofoaga o loo maua ai sikaleti ma 'ava oona poo pia.



Puipuia o faalauiloa ma le maketiina – e aofia ai le na'o na tuufaatasia, tapulaa o faailo, ma le matuā faasāina o le lagolagosua e faalauiloa ai soo se mea.

20%

Soo se tasi e gaosia ma tilivaina ia le tatau ona sili a'e i le 20% mai le tuufaatasiga aoao o fuālaau faasāina i le atunuu.



O lea faamatuu atu se vaega o le gaosiina o fualaau faasaina ina ia mautinoa e tutusa avanoa e auai ai tagata Maori ma e maualalo le tamāo'āiga.



O le tau o fuālaau faasāina o le a aofia ai lafoga o tologi mo tiute, oloa ma auaunaga ma isi tau faaopoopo. O le a pa puipui maluina foi tau faaopoopo mo togafitiga ma polokalame o a'oa'oga faalauiloa.




E mana'omia foi le fe'au faalauiloa mai le soifua maloloina i soo se falegaosi ma faatauina ai oloa o fuālaau faasāina.



O le a lē taofia fua foi ni laisene mo i latou sa molia muamua ona o le faaogaina o fuālaau faasāina.


PUIPUIGA MO OLOA GAOSI MAI FUĀLAAU FAASĀINA




E faatapulaaina le malosi o le maualuga o le THC (psychoactive compound – vailaau tuufaatasia mo le galueina o le mafaufau) i totonu o fualaau faasāina e totō ma faatauina atu.



E lē faatagaina le suiina o vailaau faasaina i meainu, i ni tui mo le tino, po o oloa gaosi e aofia ai sikaleti ma 'ava malosi.




O oloa e faatagaina muamua e aofia ai fualaau ua faamagoina poo le lanumeamata foi, laau atoa, ma ona fatu. O le faaofi mai o isi ituiga oloa e mafai ona toe iloiloaina mulimuli.



E iai le tapula'a o le aofa'i atoa o fuālaau faasāina e gaosia ma le naunauta'iga ina ia faaitiitia ai le faaaogaina, ma o ese mai ai le 'au faatau i le aga'i atu i maketi lē faatulafonoina.

FAAMALOSIA O AIAIGA



O le pulega o fuālaau faasāina i le atunuu o le a faia faai'uga ma tapenaina laisene, vaaia ma le toto'a le maketi o fualaau faasāina ma lipoti lona faagasologa i le mālō.



Mo fefaataua'iga faasolitulafono, e mafai ona faasalaina le pisinisi e oo atu i le \$100,000 poo le lua tausaga i le falepuipui mo le tagata e toatasi.



O sala tupe ma faasalaga faalefalepuipui o le a faamalosia ai le faaaogaina o maketi faatagaina mo i latou o gaosia ma faaaogaina oloa o fuālaau faasāina.



Mo fefaataua'iga faasolitulafono ia i latou e i **lalo ifo o le 20** tausaga, e mafai ona faasalaina le pisinisi e oo atu i le \$150,000 poo le fa tausaga i le fale puipui o le tagata e toatasi.



O sala tupe mo i latou e i **lalo ifo o le 20** tausaga e mafai ona faaitiitia pea malie le tagata e toatasi mo se togafitiga, poo se polokalame e 'ao'aoina lelei ai.




O le sala tupe mo le faaaogaina lava e le tagata e toatasi e itiiti tele f.t \$500 mo le umia o le sili atu i le 14g faatapulaaina, faaaogaina i nofoaga lautele poo le umia e i latou ei lalo ifo o tausaga o le matua e faatagaina ai.

O LE A LA LE UIGA O LE IOE/LEAI MO LOU PITONU'U?



O **lou** faailoa mai i le palota o le IOE e mafai ai ona faasolo atu le tulafono i se komiti ua filifilia e iloilo ma faatalanoaina i le Palemene. Afai ae faataunuaina, o le a faatagaina ai loa faaletulafono le faatau ma le faaaogaina o fuālaau faasāina. Peita'i ane, o le a iai nisi aiaiga ma pui puiga o lea faatulagaina ina ia faagaoioia ai le maketi o fuālaau faasāina ma i'u ai loa ina faamalosia faaletulafono.



O lou faailoa mai i le palota o le **LEAI** o lona uiga o le a leai se suiga ia tatou tulafono e faatatau i fuālaau faasāina. O lona uiga la o le faaaogaina o fuālaau faasāina o lea faamoemoe lava i tulafono e lua, o le 1975 Misuse of Drugs Act – Tulafono o le faaaogaina lē talafeagai o vailaau oona 1975, ma le 2019 Misuse of Drugs Act Amendment –Tulafono o le faaaogaina lē talafeagai o vailaau oona 2019.

Mo pitonu'u e tele, o le faatagaina faaletulafono e ono faauigaina eseese. Mo i latou ei luga atu o le 20 tausaga, o le a faafaigofie ai ona faaaogaina faaletulafono ma le saogalemu e i latou lava ia oloa gaosi mai fuālaau faasāina. O lea iai foi avanoa mo tagata ta'itoatasi e auai faaletulafono i maketi o fefaataua'iga mo fuālaau faasāina, e aofia ai ma i latou sa iai ni aafia faaletulafono ona o le umiaina.

O LEA LE FAIGA FAAVAE MO VAILAAU OONA?

O le faiga faavae mo vailaaau oona, o le auala lea o ni taumafaiga a se atunuu i le faaaogaina ma le sapalaiina o vailaaau oona i nofoaga o mafuta ai tagata. O le sini mo nei faiga faavae i Niu Sila o le faaitiitia o faafitauli tau le soifua maloloina, ma le aafiaga i le ola fesoota'i o tagata ona o vailaaau oona. O faiga faavae mo vailaaau oona e aofia ai tulafono ma aiaiga, faatasi ai aiaiga pito i sili ona t'aua, siitia ole tulaga o soifua maloloina, faatasi ma auala faafoma'i e fesoasoani i le faafoisia o lagona manuia. O vaega uma nei o loo faailoa atu i le National Drug Policy 2015 - 2020 – Faiga faavae aoao mo vailaaau oona 2015 - 2020, faapea foi tulafono mo ava oona, sikaleti ma isi fualaa faasāina.



AISEA E TĀUA AI LE TOE FAATULAGAINA O TULAFONO MO VAILAAU OONA?

E t'aua le toe faatulagaina o tulafono mo vailaaau oona pe a iai ni ona vaega ua lē o gatasi ma le lagolagoina ma le fesoasoani ai i tagata. Faata'ita'iga, o se tulafono e ono moliaina ai e leoleo tagata ua faaaogaina vailaaau ua faatupu masei ma e lē o se tulaga o maua ai se fesoasoani mo tagata i le faaaogaina o vailaaau oona. E ui lava i lea, o tulafono e faatatau i vailaaau oona, ua faaitiitia ai maseiga, faata'ita'iga, ua tapulaa ai le mauaina o vailaaau oona, faapoopoina atu o tapulaa mo le ave taavale onā, ma le matua e tatau ona gata ai le faatauina o vailaaau oona. Ina ia saogalemu o tatou pitonu'u, e t'aua le galulue aga'i i le paleni ma le manuia o tulafono tau vailaaau oona ma faapolopolo mo le soifua maloloina ma auaunaga lelei.



MO NISI FAAMATALAGA

www.vote.nz
www.referendums.govt.nz/cannabis/summary.html
www.facebook.com/cayadauckland

